



# Mā Hea Haere Ai ki te Kura?

**Te kaupapa:** Te Whakaatu Raraunga ki te Kauwhata

**Te whenu:** Te Tauanga: Taumata 2

## Hei whakamārama

He tauira ngohe tēnei, hei aromatawai i te mōhio o te ākonga ki te whakaatu raraunga ki te kauwhata. Mā te āta mātakitaki me te āta whakarongo a te pouako ki te mahi a te ākonga, e mōhiotia ai te taumata o te ākonga, ngā wāhi e pakari ana, me ngā wāhi hei whakapakari ake.

I ētahi wā, mā te whakawhititwhiti kōrero, mā te paku whakamārama rānei a te pouako, e kite ai te ākonga i te rautaki, i te huarahi rānei hei whakaoti i te ngohe.

E tika ana kia taunga te ākonga ki tēnei mea te whakaoti rapanga, te wetewete i ngā kōrero me ngā tohutohu, te āta whakaaro i te rautaki e hāngai ana, me te tūhonohono anō i ngā maramara mātauranga kei roto i tōna hinengaro. Koirā te āhua o tēnei ngohe aromatawai.

**Me tuku kia mahia tēnei ngohe aromatawai i muri i ngā akoranga e hāngai ana ki te tauanga, kaua e tuku mātao noa iho.**

Kei ēnei pukapuka ētahi kōrero hei āwhina i a koe:

- Te Pukapuka Tuarua o Te Poutama Tau **Te Uui Aromatawai**. Ko ngā kōrero whānui e pā ana ki te aromatawai pāngarau.
- **Whanaketanga Pāngarau: He Aratohu mā te Pouako**. Ko ngā kōrero me ētahi tauira ngohe e hāngai ana ki Ngā Whanaketanga Pāngarau.
- **Hei Tautoko i te Marautanga Pāngarau: Te Tauanga**. Ko ngā huatau matua mō tēnei mea te tauanga me te whakaatu raraunga ki te kauwhata.

## Ngā tohutohu

Whakaaturia te kāri, ākene pea me pānui tahi me te ākonga, **kia mārama ai ngā kōrero**.

Hoatu he wā hei whakaoti mā te ākonga i ngā pātai.

Tonoa te ākonga kia whakamārama i āna mahi. Whakaahuangia ‘Te Whārangī Aromatawai mā te Pouako’, hei tuhi māu i āna whakamārama, me ū whakaaro, ū whakataunga aromatawai.

Āta tirohia ngā kōrero kei te whārangī ‘Hei Ārahi i te Aromatawai’ hei āwhina i a koe ki te whakatau i te taumata e hāngai ana ki ngā otinga a te ākonga. Kei tēnei whārangī te ngako o te pāngarau e hāngai ana ki tēnei ngohe, me ngā tauira whakamārama a ngā ākonga.

### **Me mātua mōhio te ākonga**

- ki te whakamāori kauwhata whakaahua, kauwhata pou hoki
- ki te kohi raraunga mō tētahi tūhuratanga tauanga
- ki te tuhi kauwhata pou

### **Ngā kupu pāngarau e hāngai ana**

kauwhata pou

### **Ngā kupu e hāngai ana ki te horopaki**

mā hea, mā raro, pahikara, whakaatu

### **Ngā rauemi**

- te kāri ngohe
- he pepa tukutuku hei tuhi kauwhata pou

### **Ētahi ngohe whakaako e hāngai ana**

**Hei Tautoko i te Marautanga Pāngarau:  
Te Tauanga**

- Te Pōti (wh.47)
- Te Whakamāori Kauwhata Whakaahua (wh.49)
- Raraunga Whutupōro 1 (wh.56)
- Matikara (wh.58)

### **He tauira pātai hei kukume whakaaro**

- Whakamāramahia ngā mahi i oti i a koe i tō hinengaro. He aha tō mahi tuatahi? He aha tō mahi tuaruā?
- He aha koe i whiriwhiri ai i tēnā i te tuatahi?
- E mōhio ana koe ki tētahi atu rautaki e hāngai ana ki tēnā pātai?
- He aha koe i mōhio ai ki tēnā?
- He aha i pēnā ai te teitei o tēnā pou o te kauwhata?
- E tohu ana ngā pou i te aha?

## Hei Ārahi i te Aromatawai

## Mā Hea Haere Ai ki te Kura? Taumata 2

Te pātai	Whanaketanga 1e	Whanaketanga 2a	Whanaketanga 2e
1. Tokohia katoa ngā ākonga o tēnei akomanga?	E tika ana te kapo māramatanga i te kauwhata whakaahua, arā, ka tatauria, ka tāpiria rānei ngā mātiti katoa o te kauwhata whakaahua.		
2. Tuhia he kauwhata pou hei whakaatu mā hea ēnei īkonga haere ai ki te kura i te nuinga o te wā.			E tika ana te whakaatu i ngā raraunga ki te kauwhata pou, arā: <ul style="list-style-type: none"> <li>• ka tuhia he pou mō ia momo waka;</li> <li>• ka whakaaturia te tokomaha ki te tuaka pou o te kauwhata, ā, ka tika te teitei o ia pou;</li> <li>• ka tapaina ngā pou;</li> <li>• ka tapaina te kauwhata.</li> </ul>
3. Me pēhea te kohi i ngā kōrero mō iōu akomanga, arā, mā hea ngā īkonga haere ai ki te kura?	Ka whakaputu kōrero mō te whakahaere pōttitanga. Arā, ka tonoa ngā īkonga kia whakatū ringa hei whakaatu mā hea rātou haere ai ki te kura, ā, ka tatau i ngā ringaringa.	Ka whakaputu kōrero mō te tuku i ūtahi mātiti ki ia īkonga me te tono kia whakamaua ki te ripene e hāngai ana.	E tika ana te kōrero māramatanga i te kauwhata pou.
4. Tokohia e haere ana mā raro, mā runga pahikara rānei?			Ka whakamāorihiha te kauwhata pou i runga i te īhua o ngā raraunga e whakaaturia ana. Arā peā, he tautohu kei tuawhenua tēnei kura, ina te mahia o ngā tāngata e haere ana mā runga pahi, me ētahi e haere ana mā runga hōho.
5. Ki iōu whakaaro, kei hea te kura o tēnei rōpū īkonga? He aha i pēnā aiōu whakaaro?			Ka whakamāorihiha ngā kauwhata pou i runga i te īhua o ngā raraunga e whakaaturia ana. Arā peā, he tautohu: <ul style="list-style-type: none"> <li>• he pakeke ake te rōpū īkonga tuarua, ina he tokomaha ake e haere ana mā runga pahikara;</li> <li>• he nui ake te hautautanga o ngā īkonga i te rōpū tuatahi e haere ana mā runga motukā.</li> </ul>
6. He aha ngā rerekētanga o tēnei rōpū īkonga me te rōpū īkonga i te kauwhata i tuhia e koe?			

## Te Whārangi Aromatawai mā te Pouako

Mā Hea Haere Ai ki te Kura? Taumata 2

Te pātai	Ngā aromatawai a te pouako
1. Tokohia katoa ngā ākonga o tēnei akomanga?	
2. Tuhia he kauwhata pou hei whakaatu mā hea ēnei ākonga haere ai ki te kura i te nuinga o te wā.	
3. Me pēhea te kohi i ngā kōrero mō tōu akomanga, arā, mā hea ngā ākonga haere ai ki te kura?	
4. Tokohia e haere ana mā raro, mā runga pahikara rānei?	
5. Ki tōu whakaaro, kei hea te kura o tēnei rōpū ākonga? He aha i pēnā ai ū whakaaro?	
6. He aha ngā rerekētanga o tēnei rōpū ākonga me te rōpū ākonga i te kauwhata i tuhia e koe?	